

DIE XVI MAJI.  
IN FESTO S. UBALDI  
EPISCOPI & CONFESSORIS.

Semiduplex.

*Omnia de Communi Confessoris  
Pontificis, prater ea qua sequun-  
tur.* *Oratio.*

**A**uxilium tuum nobis,  
Dómine quæsumus, pla-  
catus impende: & interces-  
sione beati Ubaldi Confessó-  
ris tui atque Pontificis con-  
tra omnes diaboli nequítias  
dexteram super nos tuæ pro-  
pitiationis extende. Per Dó-  
minum nostrum.

*In primo Nocturno, Lectiones de  
Scriptura occurrente.*

*In secundo Nocturno. Lectio iv.*

**U**baldus Eugubii in Um-  
bria nobili genere natus,  
à primis annis pietate & litte-  
ris egregiè est institutus; jam-  
que adolèscens, ut uxórem  
dúceret, sæpè tentatus, num-  
quam tamen à propósito ser-  
vandæ virginitatis recessit.  
Sacerdos effectus patrimó-  
nium suum pauperibus & Ec-  
clésiis distribuit: & Canoni-  
córum Regulárium Ordinis  
sancti Augustini institutum  
suscipiens, illud in pátriam  
tránsulit, atque in eo ali-  
quámdiu sanctíssimè vixit.  
Cujus sanctitatis opinione

evulgata, ab Honório secún-  
do summo Pontífice, Ecclé-  
siæ Eugubínæ præficitur, &  
Episcopális consecrationis  
munere decoratur.

**B.** Inveni David servum me-  
um, óleo sancto meo unxi  
eum: \* Manus enim mea au-  
xiliabitur ei. *V.* Nihil proficiet inimicus in eo, & filius  
iniquitátis non nocébit ei.  
Manus enim. *Lectio v.*

**A**d suam itaque revér-  
tens Ecclésiám, cum  
de consueta vivendi ratione  
nihil admodum immutasset,  
in omni tamen virtutum gé-  
nere eò magis eminere cœpit,  
quò efficacius aliórum etiam  
salutem verbo & exémplo  
procuráret, factus forma gre-  
gis ex animo. Nam victu  
parco, vestitu moderato, lé-  
ctulo aspero & paupérrimo,  
Crucis mortificationem júgi-  
ter in suo corpore circumfe-  
rébat, dum inexplébili ora-  
tionis stúdio spíritum quoti-  
die recreáret. Hinc admirá-  
bilem illam mansuetúdinem  
est adéptus, qua gravíssimas  
injúrias & contumélias non  
modò

modò æquanimitè tulit ,  
verùm etiã mirifico dile-  
ctionis affectu persecutores  
suos omni benignitatis testi-  
monio complectebatur .

✠. Põsui adjutoriũ super  
potentem , & exaltavi elẽ-  
ctũ de plebe mea : \* Manus  
enim mea auxiliabitur ei .

℣. Inveni David servum me-  
um , oleo sancto meo unxi  
eum . Manus. *Lectione vi.*

**B**lennio antequam ex hac  
vita migraret , cũ diũti-  
nis affligeretur infirmitati-  
bus , inter acerbissimos cõr-  
poris cruciatus , velut aurũ  
in fornace purgatum , Deo  
gratias indefinenter agebat .  
Adveniẽtẽ autẽ sacro Pen-  
tecõstes die , cũ multis an-  
nis Ecclesiã sibi commis-  
sam summa cum laude gu-  
bernasset , sanctis opẽribus ac

miraculis clarus quicvis in  
pace . Quem Cœlestinus Papa  
tertius in Sanctorũ nũme-  
rum retulit . Ejus virtus præ-  
cipuè in effugandis spiritibus  
immundis elucet . Corpus  
verò per tot sæcula incor-  
ruptum magna fideliũ ve-  
neratione in patria colitur ,  
quam non semel à præsentĩ  
discrimine liberavit .

✠. Iste est qui ante Deum ma-  
gnas virtutes operatus est ,  
& omnis terra doctrina ejus  
repleta est : \* Ipse intercẽdat  
pro peccatis omnium popu-  
lorũ . ℣. Iste est qui con-  
tẽpsit vitam mundi , & per-  
venit ad cœlestia regna . Ipse.  
Glória Patri . Ipse .

*In tertio Nocturno , Homilia S.  
Gregorii Pape in Euang. Homo  
peregrè proficiscens.. ut in co-  
dem Communi .*

---

**A**D enixas Episcopi civitatis Eugubii instantias , & civitatis prædictæ , ac  
P. Abbatis Congregationis Canonicorum Regularium Latetanensium Pro-  
curatoris Generalis humillimas preces , suprascriptas Lectiones cum Oratione  
proprias in Officio sancti Ubaldi Episcopi pro secundo Nocturno ab omnibus  
utrinque sexus , qui ad horas Canonicas tenentur , in posterum recitandas , ab  
Eminentissimo & Reverendissimo Domino Cardinale Colloredo diligenter  
revisas , atque relatas , factorum Rituum Congregatio approbavit , ac imprimi  
posse , benignè indulxit , atque concessit . Die 11. Februarii 1702.

**G. Card. Carpineus.**

Loco ✚ Sigilli.

*B. Inghirami Sacr. Rit. Congr. Secr.*